

BOSNA I HERCEGOVINA
FEDERACIJA BiH
ZENIČKO-DOBOJSKI KANTON
GRAD ZENICA

Služba za socijalnu zaštitu, stambene poslove i društvene djelatnosti

Broj: 07-45-7751/23/ZI
Zenica: 29.05.2023. godine

STRUČNA SLUŽBA GRADSKOG VIJEĆA

PREDMET: Stav Službe, Izvještaj o radu JU "Apoteka „Zdravlje „ za 2022.godinu, dostavlja se

Javna ustanova Apoteka „Zdravlje“ Zenica organizovana je na osnovu Odluke o organizovanju Javne ustanove Apoteka „Zdravlje“ Zenica („Službene novine Općine Zenica“, br.:4/98), a koju je donijelo Vijeće Općine Zenica u skladu sa Zakonom.

JU Apoteka „Zdravlje“ Zenica djeluje u kompleksnim uslovima specifičnosti pružanja zdravstvene usluge farmaceuta, gdje nastoji zadovoljiti potrebe pacijenata i korisnika usluga sa jedne strane, te pružanja usluge od javnog interesa s druge strane.

JU Apoteka „Zdravlje“ Zenica osim što pruža kvalitetnu farmaceutsku uslugu u urbanom području, tako što je ostvaruje kroz rad osam apoteka, isto tako pruža usluge i u ruralnim područjima kroz rad četiri depoa. Time je usluga farmaceuta značajno približena specifičnim potrebama stanovnika ruralnih područja, a što na još jedan način određuje društveno-odgovornu karakternu liniju Ustanove. Javna Ustanova Apoteka Zdravlje Zenica je ugovorna apoteka, odnosno pripada integralnom informacionom sistemu Zavoda zdravstvenog osiguranja Zeničko-dobojskog kantona. Promet lijekova sa esencijalne liste se provodi kroz aplikaciju e-Apoteka, kroz koju se vrši i obračun kao osnov za fakturisanje prema Zavodu. Magistri farmacije, kao ovlaštena lica za izdavanje lijekova na recept, imaju korisničke račune u aplikaciji, a kompletna razmjena podataka između ljekara, farmaceuta i Zavoda se odvija putem aplikacije e-Apoteka.

U sklopu apoteke Mr. Weiss, nalazi se i laboratorij koji omogućava izradu magistralnih pripravaka prema važećoj Farmakopeji, Formulama magistralis ili po receptu doktora.

Izvještaj o radu JU Apoteka „Zdravlje“ Zenica za period 01.01. do 31.12.2022. godine, urađen je na bazi podataka i pokazatelja i oslikava stanje u ovoj Ustanovi s aspekta njenog rada i poslovanja. Izvještaj je urađen po standardima i metodološki zadovoljava kriterije u ovoj oblasti.

Iz Budžeta Grada Zenica je u 2022. godini izdvojeno 60.000,00 KM za sufinansiranje dežurstva u apoteci „Mr. Weiss“.

Uslovi poslovanja Apoteke i uslovi snabdijevanja stanovništva lijekovima, u ključnim faktorima koji to određuju su izvan uticaja ove ustanove, a navedeni su u ovom Izvještaju, kao i u izvještajima prethodnih godina.

Galenski laboratorij kao strukturni, organizacioni dio JU Apoteka Zdravlje Zenica ima značajnu ulogu u radu i poslovanju JU Apoteka Zdravlje Zenica. Prihod od prodaje proizvoda Galenskog laboratorija po apotekama ostvaren je u iznosu od 259.855,00 KM što predstavlja povećanje prihoda za 74.759,00 KM (40.3%) u odnosu na 2021. godinu.

Prihodi od fakturisanja Galenskog laboratorija vanjskim kupcima u iznosu od 29.011,00 KM u odnosu na 2021. godinu su smanjeni za 106.945,00 KM (78,66%). Razlog ovog smanjenja je u zabrani prometovanja neregistrovanih magistralnih i galenskih lijekova i medinskih sredstava izvan zdravstvene ustanove JU Apoteka „Zdravlje“ Zenica, provedene od strane Federalne farmaceutske inspekcije. Otežavajuće okolnosti prometa preparata Galenskog laboratorija su i zakonski okviri koji nalažu registraciju proizvoda kod Agencije za lijekove i medicinska sredstva, što dodatno finansijski opterećuje Ustanovu.

Javna ustanova Apoteka „Zdravlje“ Zenica u svojim finansijskim izvještajima za 2022. godinu iskazala je slijedeće vrijednosti:

- ukupan prihod za 2022. godinu 6.645.179,00 KM
- prosječna vrijednost poslovne imovine (aktive) 2.840.665,00 KM
- prosječan broj zaposlenih 45

Na osnovu navedenog, Ustanova se svrstava u grupu malih pravnih lica.

Ukupno ostvareni prihodi u 2022. godini iznose 6.645.179,00 KM.

Ukupno ostvareni rashodi u 2022. godini iznose 6.531.171,00 KM.

Ukoliko posmatramo ostvarene prihode u 2022. godini u odnosu na prihode u 2021. godini, vidljivo je da su 2022. ostvareni prihodi za 405.936 KM (6,51 %) veći u odnosu na prethodnu godinu.

Na osnovu ostvarenih prihoda u 2022. godini (6.645.179,00 KM) i rashoda (6.531.171,00 KM), u izvještajnom periodu iskazana je bruto dobit u iznosu od 114.008,00 KM.

Zavisni troškovi funkcionisanja Ustanove i u 2022. godini svedeni su na minimum.

U 2022. godini evidentirano je smanjenje obaveza i potraživanja koje i dalje ukazuje na probleme u likvidnosti.

U protekloj godini u Ustanovi je bilo 44 zaposlenih, od čega 24 VSS, 17 SSS, 3 NS.

Nakon provedene konkursne procedure, Upravni odbor je 25.02.2022. godine imenovao direktoricu JU Apoteke "Zdravlje".

Direktorica je zajedno sa Upravnim odborom uspjela smanjiti zatečene zalihe roba u apotekama, zajedno sa svim uposlenicima stavljen je veliki fokus na prodaju lijekova koji su se nalazili na lageru, a smanjena narudžba lijekova koji nisu potrebni, te su vršeni stalni pregovori sa dobavljačima s obzirom na velike dugove koji su nastali prema dobavljačima.

Upravni odbor je ocijenio da je direktorica Ustanove uspješno rukovodila radom Ustanove u 2022. godini i shodno tome joj dao pozitivnu ocjenu.

Cijeneći sve navedeno a s obzirom na prezentirane pokazatelje o radu, rukovođenju, upravljanju i nadzoru nad radom Ustanove, Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU Apoteka „Zdravlje“ Zenica za 2022. godinu na razmatranje i usvajanje.

PRILOZI:

1. Izvještaj o radu JU Apoteka „Zdravlje“ Zenica za 2022. godinu sa Izvještajem o radu Upravnog odbora i ocjenom UO o radu direktora
2. Finansijski izvještaji za godinu koja je završila 31.12.2022. godine i Izvještaj nezavisnog revizora za 2022. godinu;
3. Plan rada i finansijski plan poslovanja za 2023. godinu.

DOSTAVLJENO:

1 x Naslov

1 x a/a

